

ხელშეკრულება № 06/12-1

პროდუქციის მიწოდების შესახებ

ქ. თბილისი

6 დეკემბერი 2016 წელი

მხარეები, ერთის მხრივ შ.პ.ს „სუფთა წყალი“ (ს/კ: 205150655) შემდგომში წოდებული, როგორც „მიმწოდებელი“, წარმოდგენილი მისი დირექტორის ირაკლი კალმახელიძის სახით და მეორეს მხრივ სსიპ „კოტე მარჯანიშვილის სახელობის პროფესიული სახელმწიფო დრამატული თეატრი“ (ს/კ: 201947705) შემდგომში წოდებული როგორც „მომხმარებელი“, წარმოდგენილი მისი დირექტორის ეკატერინე მაზიაშვილის სახით, საქართველოს კანონმდებლობით მონიჭებული უფლებამოსილების ფარგლებში ვდებთ წინამდებარე ხელშეკრულებას და ვთანხმდებით შემდეგზე:

1. ხელშეკრულების საგანი

- 1.1. წინამდებარე ხელშეკრულების საფუძველზე „მიმწოდებელი“ აწვდის „მომხმარებელს“ ერთჯერად ჭიქებს (CPV-39222120) „ბინულის“ მარკის სასმელ წყალს (ლიცენზია N00980, გაცემული საქართველოს გარემოს დაცვისა და ბუნებრივი რესურსების სამინისტროს მიერ 2007 წლის 30 ნოემბერს) 19 ლიტრის მოცულობის მქონე ბოცებით (CPV-155980000), მოთხოვნის შესაბამისად და ამ მიზნით დროებით სარგებლობაში გადასცემს „მომხმარებელს“ სასმელი წყლის დისპენსერს და 19 ლიტრის მოცულობის ბოცას, ხოლო „მომხმარებელი“ კისრულობს ვალდებულებას მიიღოს მოთხოვნილი პროდუქცია და გადაიხადოს მისი ღირებულება ხელშეკრულებით გათვალისწინებული წესით.
- 1.2. შესყიდვა განხორციელდა გამარტივებული შესყიდვის საშუალებით „სახელმწიფო შესყიდვების შესახებ“ კანონის მე-10¹ მუხლის მე-3 პუნქტის „ვ“ ქვეპუნქტის საფუძველზე.

2. პროდუქციის ღირებულება და ანგარიშსწორების პირობები

- 2.1. ხელშეკრულების საერთო საორიენტაციო ღირებულება შეადგენს 200.00 (ორასი ლარი) ლარს საქართველოში მოქმედი ყველა გადასახადის ჩათვლით. ხელშეკრულებით გათვალისწინებული პროდუქციის - 1 ერთეული „ბინულის“ მარკის სასმელი წყლის (19 ლიტრი მოცულობის ბოცით) ღირებულებაა 10.00 (ათი) ლარი, ხოლო ერთჯერადი პლასტმასის ჭიქის (ერთი შეკვრა - ცალი) ღირებულებაა 1.70 (ერთი ლარი და 70 თეთრი) ლარი.
- 2.2. პროდუქციის ოდენობა და მიწოდების ვადები განისაზღვრება ეტაპობრივად მიწოდებულ პროდუქციაზე გაფორმებული შესაბამისი სასაქონლო ზედნადების ან/და მიღება-ჩაბარების აქტით.
- 2.3. პროდუქციის ღირებულებას „მომხმარებელი“ ურიცხავს „მიმწოდებელს“ ფაქტობრივად მიწოდებულ პროდუქციაზე გაფორმებული სასაქონლო ზედნადების ან/და მიღება-ჩაბარების აქტის გაფორმებიდან 5 (ხუთი) საბანკო დღის ვადაში.
- 2.4. ანაზღაურება ხორციელდება უნაღდო ან ნაღდი ანგარიშსწორების ფორმით.

3. მხარეთა უფლება-მოვალეობები

- 3.1. „მიმწოდებელი“ იძლევა გარანტიას, რომ მიწოდებული პროდუქციის ხარისხი შეესაბამება საქართველოში მოქმედ სანიტარულ ნორმებს და სტანდარტებს.



3.2. „მიწოდებელი“ საკუთარი ხარჯებით უზრუნველყოფს პროდუქციის მიწოდებას „მომხმარებლის“ მიერ მითითებულ მისამართზე ეტაპობრივად, „მომხმარებლის“ მიერ წერილობითი, ან სატელეფონო მოთხოვნის შესაბამისად.

3.3. „მიწოდებელი“ ვალდებულია ხელშეკრულების გაფორმებიდან 24 საათის განმავლობაში განათავსოს „მომხმარებლის“ მისამართზე მოთხოვნილი რაოდენობის 19 ლიტრიანი „ბინულის“ მარკის წყლით სავსე ბოცა და სასმელი წყლის დისპენსერი, რაზედაც შესაბამისად ფორმდება სასაქონლო ზედნადების ან/და მიღება-ჩაბარების აქტი.

3.4. სასმელი წყლის დისპენსერი და 19 ლიტრიანი მოცულობის ბოცა საკუთრების უფლებით ეკუთვნის „მიწოდებელს“ და „მომხმარებელს“ ისინი გადაეცემა დროებით სარგებლობაში, ხელშეკრულების მოქმედების ვადის ამოწურვამდე.

3.5. იმ შემთხვევაში, თუ „მომხმარებელი“ გადაწყვეტს შეიძინოს „მიწოდებლისაგან“ „3.4.“ პუნქტით განსაზღვრული წყლის დისპენსერი, აღნიშნული ქონება გადავა „მომხმარებლის“ საკუთრებაში.

3.6. „მომხმარებელი“ ვალდებულია „მიწოდებლისაგან“ შეიძინოს წლის განმავლობაში არანაკლებ 18 (თვრამეტი) ერთეული (თვეში დაახლოებით 9 (ცხრა) ერთეული) „ბინულის“ მარკის სასმელი წყალი (19 ლიტრიანი მოცულობის ბოცით) ერთ დისპენსერზე გადაანგარიშებით, წინააღმდეგ შემთხვევაში „მიწოდებელი“ უფლებამოსილია შეწყვიტოს ხელშეკრულება და გამოითხოვოს „მომხმარებლის“ დროებით სარგებლობაში არსებული ქონება.

3.7. „მომხმარებელი“ ვალდებულია გაუფრთხილდეს, დაიცვას მექანიკური დაზიანებისაგან და განადგურებისაგან „3.3.“/“3.4.“ პუნქტით განსაზღვრული, მის დროებით სარგებლობაში არსებული ქონება და არ დაუშვას დისპენსერის და ბოცის გამოყენება „ბინულის“ მარკის წყლის გარდა სხვა სახის სითხისათვის.

3.8. „მომხმარებლის“ მიზეზით „3.3.“/“3.4.“ პუნქტით გათვალისწინებული ქონების მექანიკური დაზიანების ან განადგურების შემთხვევაში, იგი უნაზღაურებს „მიწოდებელს“ თითოეულ სასმელი წყლის დისპენსერისათვის - 380 (სამასოთხმოცი) ლარს, ხოლო თითოეული 19 ლიტრიანი ბოცისათვის - 30 (ოცდაათ) ლარს.

3.9. „მომხმარებელი“ იღებს ვალდებულებას აანაზღაუროს „მიწოდებლის“ ფაქტიურად მიწოდებული პროდუქციის ღირებულება ხელშეკრულების პირობებში ასახულ ვადებში და ფორმით.

4. მხარეთა პასუხისმგებლობა

4.1. მხარეები პასუხს აგებენ წინამდებარე ხელშეკრულების შეუსრულებლობის, ან ნაწილობრივ შესრულებისთვის მოქმედი კანონმდებლობის შესაბამისად.

5. ფორს-მაჟორი

5.1. ფორს-მაჟორული გარემოებების დადგომის შემთხვევაში, ვალდებულებების შეუსრულებლობა არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

5.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებას, რომელიც არ არის დაკავშირებული მათ შეცდომებთან და დაუდევრობასთან და რომელსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ემბარგოს დაწესებით და სხვა.



6. ხელშეკრულების პირობების შეცვლა, დავათა განხილვა

6.1. ხელშეკრულების პირობების შეცვლა დასაშვებია მხარეთა წერილობითი შეთანხმებით აგრეთვე, საქართველოს სამოქალაქო კოდექსის 398-ე მუხლით გათვალისწინებული შემთხვევით.

6.2. ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

6.3. თუ ასეთი მოლაპარაკების დაწყებიდან 30 (ოცდაათი) დღის განმავლობაში მხარეები ვერ შეძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია მიმართოს სასამართლოს.

7. ხელშეკრულების მოქმედების ვადა

7.1. პროდუქციის მიწოდება განხორციელდება „მომხმარებლის“ მოთხოვნისამებრ 2016 წლის 31 დეკემბრის ჩათვლით.

7.2. ხელშეკრულება ძალაში შედის მხარეთა მიერ ხელმოწერისთანავე და მოქმედებს 2017 წლის 31 იანვრის ჩათვლით.

8. ხელშეკრულების სხვა პირობები

8.1. ხელშეკრულება შედგენილია სამ ფურცელზე, თანაბარი იურიდიული ძალის მქონე ორ ეგზემპლარად თითოეული მხარისათვის.

8.2. ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოს მოქმედი კანონმდებლობის შესაბამისად.

9. მხარეთა რეკვიზიტები

„მიწოდებელი“

„მომხმარებელი“

შპს „სუფთა წყალი“

სსიპ „კოტე მარჯანიშვილის სახელობის პროფესიული სახელმწიფო დრამატული თეატრი“

ს/კ: 205150655

ს/კ: 201947705

ბანკი: სს „საქართველოს ბანკი“

სახელმწიფო ხაზინა, ხასინის ერთიანი ანგარიში

ა/ა: GE13BG000000129766400GEL

ა/ა: _____

ბანკის კოდი: BAGAGE22

ბანკის კოდი: TRESGE22

მისამართი: ფალიაშვილის 118

იურ.მისამართი: თბილისი, მარჯანიშვილის ქ. №8

ტელეფონი: 2 439 439

ფიზ.მისამართი: თბილისი, მარჯანიშვილის ქ. №8

Mail: info@binuli.ge

ტელეფონი: 295 00 76

Mail: info@marjanishvili.com

დირექტორი: ირაკლი კალმახელიძე

დირექტორი: ვატიკო ნიჭიშვილი



ინფორმაცია ინტერესთა კონფლიქტის შესახებ

ქ.თბილისი

6 დეკემბერი 2016 წ.

“სახელმწიფო შესყიდვების შესახებ” საქართველოს კანონის მე-8 მუხლის შესაბამისად, სსიპ კოტე მარჯანიშვილის სახელობის პროფესიული სახელმწიფო დრამატული თეატრის დირექტორი ეკატერინე მაზმიშვილი, ხელის მოწერით ადასტურებს, გამარტივებული შესყიდვის საშუალებით შესყიდვის განხორციელებაში შპს „სუფთა წყალი“-ს მონაწილეობა არ იწვევს ინტერესთა კონფლიქტს.

თეატრის დირექტორი

ეკატერინე მაზმიშვილი

ეკატერინე მაზმიშვილი